



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-2588/09
Sarajevo, 4.9.2009. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 04-09-2009			
Organizaciona jedinica	Klasifikaciona oznaka	Redni broj	Broj priloga
01-50-1-15-57/09			

PARLAMENTARNA SKUPŠTINA
BOSNE I HERCEGOVINE

- Zastupnički dom -

SARAJEVO

PREDMET: Odgovori na zastupničko pitanje – dostavlja se

Vijeće ministara Bosne i Hercegovine, na 97. sjednici održanoj 3.9.2009. godine, utvrdilo je odgovor na zastupničko pitanje koje je Rifat Dolić, zastupnik u Zastupničkom domu Parlamentarne skupštine Bosne i Hercegovine, postavio na 57. sjednici ovog doma održanoj 8.7.2009. godine.

U prilogu dostavljamo odgovor uz molbu da isti uručite zastupniku.

S poštovanjem,



GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-2588/09
Sarajevo, 3.9.2009. godine

Gospodin Rifat Dolić, poslanik u Predstavničkom domu Parlamentarne skupštine Bosne i Hercegovine, na 57. sjednici Predstavničkog doma, održanoj 08. 07. 2009. godine, postavio je Vijeću ministara BiH i Ministru za ljudska prava i izbjeglice BiH poslaničko pitanje sljedeće sadržine:

1. „Da li raspolazete podacima o broju građana BiH koji danas izvan BiH u zemljama širom svijeta borave sa statusom izbjeglice? Koliki je broj takvih po pojedinim zemljama, gdje i koliki broj građana BiH i danas borave u kolektivnim izbjegličkim naseljima u Hrvatskoj i Srbiji i nekim drugim zemljama“?

Na postavljeno poslaničko pitanje, Vijeće ministara Bosne i Hercegovine, u smislu člana 37. Zakona o Vijeću ministara Bosne i Hercegovine ("Službeni glasnik BiH", broj 30/03, 42/03 i 81/06), na 97. sjednici održanoj 03. 09. 2009. godine, utvrdilo je sljedeći:

O D G O V O R

U vrijeme potpisivanja Dejtonskog mirovnog sporazuma, Bosna i Hercegovina imala je oko 2,2 miliona izbjeglih i raseljenih stanovnika, što je više od polovine od oko 4,3 mil. stanovnika registriranih popisom stanovništva iz 1991. godine.

Trenutačno se unutar Bosne i Hercegovine, u statusu raseljenosti, nalazi oko 39.000 obitelji sa oko 117.000 raseljenih osoba.

Za najveći broj raseljenih osoba u BiH (oko 64%) mogu se iznaći trajna rješenja kroz povratak i rekonstrukciju prijeratnih stambenih jedinica i potporu održivom povratku, dok je za preostalih oko 36% potrebno tragati za nekim drugim vidom stambenog zbrinjavanja, bilo da se radi o iznalasku novih stambenih rješenja u prijeratnim mjestima prebivališta, bilo da se radi o integriranju u mjestima raseljenja.

Procjenjuje se da izvan Bosne i Hercegovine trenutačno boravi više od 400.000 osoba, koji su evidentirani kao izbjeglice iz BiH u blizu 40 zemalja širom svijeta. Najveći broj njih se integrirao u zemljama prihvata, a procjenjuje se da blizu 80.000 izbjeglica iz BiH još uvijek treba trajna rješenja, koja mogu uključivati i povratak u BiH.

Najčešće destinacije privremenog prihvata bile su zemlje Zapadne Europe, a također značajan broj izbjeglica iz BiH prihvatile su tradicionalne useljeničke prekooceanske zemlje: SAD, Kanada, Australija i Novi Zeland.

Zemlje regiona: Srbija, Hrvatska i Crna Gora prihvatile su gotovo 40% izbjeglica iz BiH, dok su SR Njemačka i Austrija pružile zaštitu najvećem broju izbjeglica izvan regiona. Ove četiri zemlje prihvatile su gotovo 80% svih osoba, koje su kao izbjeglice napustile Bosnu i Hercegovinu.

Pitanje smještaja i drugih pripadajućih prava bh izbjeglice su regulirale nacionalnim zakonodavstvima zemalja prihvata, što je u potpunoj suglasnosti sa međunarodnim konvencijama i drugim međunarodnim pravnim normama iz ove oblasti. Stoga Bosna i Hercegovina nikada nije raspolagala sa potpunim pokazateljima o stanju bh izbjeglica (o načinu smještaja i drugim pravima), već sa napribližnijim procjenama.

Iako nije izravno vezano za Aneks VII DMS, ali iz potrebe da naglasimo sveukupni problem raseljenja u Bosni i Hercegovini, veoma je važno istaknuti, u kontekstu trajnog rješavanja pitanja raseljenja u regionu, činjenicu da je Bosna i Hercegovina u periodu od 1995. do 2000.godine, prihvatila i oko 100.000 osoba izbjeglih iz Hrvatske i tadašnje Savezne Republike Jugoslavije, od kojih se mnogi i danas nalaze u BiH. Jasno je da se misli na izbjegle Srbe iz R Hrvatske i izbjegle Albance, Srbe, Bošnjake i Rome iz tadašnje Jugoslavije. I pored jako teških uvjeta u saniranju posljedica demografskih razaranja u BiH i nadpolovične raseljenosti svojih građana, BiH je odgovorila i na ovu svoju međunarodnu obavezu u prihvatu izbjeglih osoba unutar Bosne i Hercegovine.